

Ўр Кривкин дадмг хөөч

Элст балгъсна Сталиңа нер-
тә колхозд 23 джил тасрхан
уга ах хөөч болдж ўр Крив-
кин Михаил Ефимович код-
лджәнә. Эн ик дамшлтта хөөч
көдлсн цуг джилмүдиннь цагт
18 миньгън толгъа хургъд
болн 80 шаху тонн цевр сәәхн
торгън ноос олз-ору колхоздан

өгв.

Коммунистическ партин
член Кривкин Михаил джил
болгън 100 хөөнәс 118-123
хургъ эрүл-менд өскдж, олн
колхозникуд дундан өмн нүүр
эзлнә. Тиигдж Михаил Ефи-
мович тоомсрта колхозникин
нер зүүдж йовна. Авсн даал-

гъвран цагтнь болн даньгим
давулдж Кривкин кўцәнә.

Эн джилин үвләс цуг хөө-
дән сән чинәтә гаргъв. Тегәд
чигн 100 хөн болгънас 131 ху-
ргъ авб. Цуг хургъднь әмд-
менд өсджәнә.

МАНДЖИКАН Басъ.